

**Aliae Ostreae novae quatuor,**

a cl. Schweinfurth in agris Aegyptiae nummuliticis inventae,

auctore

**C. Mayer-Eymar, Prof.**

September 1890.

E serie Ostreae (Alectryoniae) Ioannae\*).

**Ostrea (Alectryonia) pterygota, May.-Eym.**

O. (A.) testa irregulariter triangulari, longiuscula, lubricata, applanata, crassula, aequalvalvi, valde inaequilaterali; latere antico longo, truncato, fere recto, postico obliquo-declivi, leviter concavo, inferne angulato, inferiore oblique dilatato, leviter flexuoso; costis circiter 30, crassulis, subaequalibus, fornicato-triangularibus, ad margines plerumque irregulariter dichotomis, ad umbonem minoribus, densioribus, obliquis crenatisque; umbonibus acutiusculis; cardine triangulari, canali lato, profundo, arcibus latiusculis, planis; cicatricula musculi magna, semicirculari, leviter obliqua, marginibus antico et inferiori approximata. — Long. 96, lat. 68 millim.

Suessonianum I?: Chani et Naga el Schech, inter Edfu et Esneh. (4) Mus. Berol.

E serie Ostreae (Alectryoniae) Janus.

**Ostrea (Alectryonia) janigena, May.-Eym.**

O. (A.) testa mediocri, polymorpha, plerumque angusta et leviter arcuata, raro superne latiuscula et inferne dilatata, raro geniculata, tenui; valva inferiore convexa, umbone anguste affixa, costis principalibus circiter 12,

\*) Choffat, 1886, Faune crétac. Portugal., p. 34, t. I.

crassulis, triangularibus, subaequalibus, saepe dichotomis, irregulariter nodoso-asperulis; intersticiis latiusculis; costulis postico-medianis circiter 10, persaepe aequalibus, approximatis et transversis; umbone acutulo, plerumque leviter obliquo, raro recurvo; cardine triangulo, canali lato, humili, areis planis; cicatricula musculi superficiali, angusta, valde laterali; valva superiore plana, costis principalibus paulo depressioribus quam in valva inferiore; umbone parvo, interdum recurvo. — Long. 44, lat. 28; in aliis: long. 38, lat. 34 millim.

Suessonianum I?: Chani et Naga el Schech. (5) Mus. Berol.

E serie Ostreae Suessoniensis.

**Ostrea Junkeri**, May.-Eyn.

O. testa subquadrata, recta, subtenui; valva inferiore dorso late affixa, ad umbonem angustata, costis numerosis, ad latera minutis densisque, ad marginem inferiorem crassulis, fornicato-tubulosis, irregularibus, plerumque dichotomis; latere antico longo, paulum arcuato, postico brevi, valde concavo, inferne angulato, inferiore late arcuato; umbone brevissimo, acutulo; cardine latissimo, canali lato, humili, areis latis, planis; cicatricula musculi magna, transversa, marginibus postico et inferiori approximata; marginibus internis superne denticulatis, inferne costato-plicatis; (valva superiore plana, laevigata). — Long. 66, lat. 58 millim.

Suessonianum I?: Chani prope Edfu. (3) Mus. Berol.

Annotationes. 1) Haec Ostrea, magnitudine ac forma O. Caillaudi, e stratis Aegyptiae parisianis, affinis et, opinor, huius matrix, ab ea differt: testa non in-

crassata, ad umbonem non dilatata; costis multo numerosioribus, ad utrumque latus minutis et densis; cardine brevior et latior; cicatricula musculi transversior, magis infra collocata, et marginibus intus superne denticulatis, inferne costato-plicatis; quae omnia ad speciem distinguendam interim sufficere mihi videntur.

2) Illam O. Caillaudi, proxime citatam et nuper in hac ephemeride descriptam, ad seriem O. bellovacina loco Suessoniensis pertinere lapsu editum est.

E serie Ostreae Boucheroni.

**Ostrea velum**, May.-Eym.

O. testa subparva, ovato-triangulari, subrecta, compressa, laevigata, tenuissima, inaequilaterali, antice dilatata, valde arcuata, postice truncata, fere recta; valva inferiore convexiuscula, concentrice irregulariter sulculato-rugulosa; umbone parvo, obliquo, obtuso; cardine lato, canali lato, humili, areis latiusculis, planis; marginibus superne scrobiculatis; valva superiore plana, irregulariter rugulosa; umbone obtuso. — Long. 30, lat. 23 millim.

Suessonianum I?: Chani prope Edfu. (1) Mus. Berol.

---

### **Diagnoses specierum novarum**

ex agris Helvetiae nummuliticis,

auctore

**C. Mayer-Eymar**, Prof.

September 1890.

---

E serie Ostreae (Grypheae) plicifera.

**Ostrea (Gryphaea) Deickei**, May.-Eym.

O. (Gr.) testa parva, obliqua, valde arcuata, angusta, solidula, plerumque sublaevi; valva inferiore valde convexa,